

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1063976 23 St
Sarajevo, 07.01.2025.godine

Općinski sud u Sarajevu, stečajni sudija Mirela Čajić-Puljić, u stečajnom postupku nad imovinom stečajnog dužnika „FALB“ d.o.o. Sarajevo, ulica Bulevar Meše Selimovića broj 25., Sarajevo, van ročišta dana 07.01.2025.godine, donio je sljedeće:

R J E Š E N J E

1. Otvara se stečajni postupak nad imovinom stečajnog dužnika „FALB“ d.o.o. Sarajevo, ulica Bulevar Meše Selimovića broj 25., Sarajevo, MBS: 65-01-0218-12.
2. Za stečajnog upravnika se imenuje Enis Džihanić, ulica Trg solidarnosti br. 13/VI, Sarajevo.
3. Zaključuje se stečajni postupak nad imovinom stečajnog dužnika „FALB“ d.o.o. Sarajevo, ulica Bulevar Meše Selimovića broj 25., Sarajevo, zbog nedostatka stečajne mase za pokriće troškova stečajnog postupka.
4. Određuje se upis zabilježbe o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj MBS: 65-01-0218-12.
5. Po pravosnažnosti ovog rješenja, isto se ima dostaviti Odjeljenju registra pravnih lica Općinskog suda u Sarajevu, radi brisanja stečajnog dužnika iz sudskog registra.
6. Ovo rješenje ima se objaviti u Službenim novinama FBiH, na oglasnoj ploči ovog suda, na web stranici ovog suda, te dostaviti FIA.

O b r a z l o ž e n j e

Rješenjem ovoga suda broj gornji od 22.03.2024.godine pokrenut je prethodni postupak radi utvrđivanja da li postoje uslovi za otvaranje stečajnog postupka nad imovinom stečajnog dužnika „FALB“ d.o.o. Sarajevo, ulica Bulevar Meše Selimovića broj 25., Sarajevo, te je imenovan privremeni stečajni upravnik.

Privremeni stečajni upravnik je dostavio Izvještaj dana 15.07.2024.godine iz kojeg proizilazi da stečajni dužnik nema nikakve imovine, pa ni za pokriće troškova stečajnog postupka.

S obzirom na navedeno sud je uputio Javni poziv povjericima i svim zainteresovanim licima da u roku od 30 dana od objavljivanja poziva predlože otvaranje stečajnog postupka, te da uplate predujam za obezbjeđenje troškova stečajnog postupka u iznosu od 4.500,00 KM, a sve u smislu člana 102. stav 8. Zakona o stečaju FBiH (u daljem tekstu ZS). Navedeni poziv

objavljen je u Službenim novinama F BiH broj 92/24 od 20.11.2024.godine, izvršeno javno oglašavanje putem oglasne table suda i web stranice suda-elektronske table suda.

Kako u ostavljenom roku niko od povjerilaca niti zainteresovanih lica nije predložio otvaranje stečajnog postupka, niti uplatio predum za pokriće troškova stečajnog postupka, to su primjenom člana 102. tačka 8. donesene odluke u stavu 1., 2. i 3. izreke rješenja.

Odluke u stavu 4. i 5. izreke sud je donio primjenom člana 108. ZS-a, dok je odluku u stavu 6. izreke donio shodno članu 25. istog Zakona.

Stečajni sudija
Mirela Čajić-Puljić

Pouka o pravnom lijeku:

Protiv ovog rješenja može se izjaviti žalba Kantonalnom sudu u Sarajevu u roku od 8 dana, po proteku 5 dana od objave rješenja u Službenim novinama F BiH (član 25., a u vezi sa članom 23. ZS). Žalba se izjavljuje u tri primjerka putem ovog suda.